



Aningaasaqarnermut Ataatsimiititaliap suliaq nr. 01.31.06/09-00400 pillugu tallimanngornermi ulloq 20. februar 2009-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 22. januar 2009-mi ataatsimiinneranni imm. 2e)

Ukiup ataatsip qaangiunnerani misissuineri paasineqarpoq akiliisinnaajunnaarluni unittoorneq pissutigalugu Ilulissani ilinniartut inaat amigaatillit

Naalakkersuisut **inassutigaat,**

- kontomi pingaarnermi 84.40.15-imi Ilinniartut inaannut tunngasumi, suliasamat nr. 120.52.044-mut, Ilulissani ilinniartut inaanni amigaatinut tunngasumut, aningaasaliissutit 875.000 koruuninik amerlineqassasut, aamma suliasamat nr. 996.52.041-mut, Ilinniartut inaannik pilersarusiornermut tunngasumut, aningaasaliissutit 875.000 koruuninik ikilineqassasut.

Aningaasaqarnermut Ataatsimiititaliap oqaaseqaatai

Ilulissani ilinniartut ineqarfiinik ukiup ataatsip qaangiunnerani misissuineri kukkunerit amigaatillu paasineqartut iluarsineqarnissaannut 875.000 kr.-it Naalakkersuisut siuliami matumani qinnutigaat. Entreprenørp sillimasiissutaa aqputtigalugu imaluunniit aningaasari-vimmi kontomi matoqqasumi siunertamut immikkut pilersinneqarsimasumi taamatut iluarsisassanut atugassatut aningaasat nalinginnaasumik pigineqartarput. Pisumili matumani pineqartumi entreprenøri akiliisinnaajunnaarpoq, taamaattumillu kukkunernik iluarsiinissamut aningaasartuutit taassuma akilersinnaanagit. Tamatuma saniatigut kukkunernik iluarsiinissamut aningaasat kontumut immikkut immikkoortinneqaqqaartut kukkunerit amigaatillu iluarsineqarnerannut atorneqareerput. Taamaattumik aningaasat siunertamut atugassat Aningaasaqarnermut Ataatsimiititaliamut qinnutigineqarnissaat Naalakkersuisut pisariaqartut isigisimavaat.

Sanaartornermi aningaasartuutitut siumut naatsorsuutigineqariinngitsunut aningaasanik immikkoortitsisoqareersimassamat aningaasallu iluarsaanissamut atugassanngortinneqartut atorneqareermata sanaartornermi kukkunerit amigaatillu annertoorujussuusimassasut Aningaasaqarnermut Ataatsimiititaliaq maannangaaq isumaqarpoq. Taamaattumik sanaartornermik nakkutilliineq naammaginarsimanersoq apeqqutigissallugu ataatsimiititaliaq tunngavissaqarsoraq? Tassunga ilanngullugu sanaartornerup ingerlanneqarnerani nakkutilliisoq sanaartornerup ajornartorsiutitaqarneranik kallerisaarisimanersoq, taamaassimappallu qanga tamanna pisimanersoq paasissutissiissutigeqquneqarpoq. Aammattaaq nakkutilliisoq suliasaminik naammagintumik isumaginnissimanersoq, taamaassimanngippallu nakkutilliisoq aningaasanik taarsiissuteqaqqullugu piumasaqaateqarfigineqarsinnaanersoq nalilerneqassasoq kissaatigineqarpoq.

Aningaasaqarnermut Ataatsimiititaliap aalajangiinera

Apeqqutinut siuliani allassimasunut Naalakkersuisut akissutaata utaqqineqarnissaa siunertaralugu Naalakkersuisut inassuteqaataannut isummerfiginninnissani Aningaasaqarnermut Ataatsimiititaliap **kinguartippaa**. Naalakkersuisut akissuteqaataat allakkat uku tigunerannit sapaatip akunneri pingasut qaangiutsinnagit kalaallisut danskisullu nassiuteqquneqarpoq nuutinneralu uunga nassiunneqarluni: nch@gh.gl.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua